



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

**A.nr.398/2025**

**PANELI ZGJEDHOR PËR ANKESA DHE PARASHTRESA (PZAP)**, në panelin e përbërë nga gjyqtarët: Skender Çoçaj kryesues, Kymete Kicaj dhe Arsim Hamzaj anëtarë, duke vendosur përkitazi me ankesat e subjektit politik Partia Demokratike e Kosovës (PDK), me seli në Prishtinë, paraqitur kundër subjektit politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 07.02.2025, merr këtë:

**V E N D I M**

I. PRANOHEN të bazuara ankesat e subjektit politik Partia Demokratike e Kosovës (PDK), me seli në Prishtinë, A.nr.398/2025, dhe Anr.399/2025, të datës 05.02.2025.

II. Subjektit Politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjorbë në lartësi prej 6,000.00€ (gjashtë mijë euro).

III. Detyrohet Subjektit Politik Lëvizja Vetëvendosje (LVV), me seli në Prishtinë, që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

**A r s y e t i m**

Me datën 05.02.2025 PZAP-i, ka pranuar ankesën e identifikuar me numër A.nr.398/2025 dhe A.nr.399/2025 me datën 05.02.2025, nga subjekti politik Partia Demokratike e Kosovës (PDK), me seli në Prishtinë, kundër subjektit politik Lëvizja Vetëvendosje (LVV).

Në ankesën A.nr.398/2025 pretendohet se më datë 5 shkurt 2025, mbështetësi i subjektit politik Lëvizja Vetëvendosje (LVV), z, [REDACTED] i ndjekur në rrjetin e tij social Facebook nga 21,000.00 profile, ka publikuar një video në rrjetin social Facebook, me tekst shoqërues, në të cilën shkruan "PDKuca a kan qen terrorista a jo qysh po thoni ju", kështu duke përdorur gjuhë nxitëse, përçmuese, linçuese dhe përçarëse ndaj subjekteve kundërshtare të LVV-së. Po ashtu edhe në ankesën A.nr.399/2025 pretendohet se i njëjti ka publikuar një postim në rrjetin social Facebook, në të cilën shkruan "Abilard Tahiri thotë: 'Nëse kuni bëhet

*edhe njëher Kryeministër unë e lë mandatin" !Do të ishte fantastike sikur të thonin të gjithë deputetët e Planit! Kriminelët nga Pdksë, Ldk-së, Aak-së dhe Nismës i kan vrrarë ëndrrat e rinisë për të jetuar në Kosovë! Vendi i juaj është në burg!", kështu duke përdorur gjuhë nxitëse, përçmuese, lincuese dhe përçarëse ndaj subjekteve kundërshtarë të LVV-së. Parashtruesi i ankesave ka theksuar se përmbajtja e këtyre deklaratave pamëdyshje përbën përdorim të gjuhë fyese dhe denigruese ndaj subjekteve kundërshtarë politike, përmes së Cilave ka cenuar rëndë integritetin dhe dinjitetin e subjektit politik të tyre, Partia Demokratike e Kosovë (PDK). Më tutje theksojnë se argumenti se i njëjti është mbështetës dhe i angazhuar në organizimin e fushatës zgjedhore, dëshmohej me shikimin e profilit të tij në rrjetin social Facebook, ku i njëjti në vazhdimësi publikon postime të atilla në sulm të partive opozitare dhe në përkrahje publike dhe thirrje të vazhdueshme për të votuar subjektin politik Lëvizja Vetëvendosje, andaj si i tillë nuk lë dyshime që i njëjti në kuptim të LZP-së të konsiderohet mbështetës i subjektit politik Lëvizja Vetëvendosje.*

Ankesës ka bashkangjitur si provë si Provë: Postimi i publikuar nga mbështetësi i Lëvizjes Vetëvendosje, z. [REDAKTUAR], në rrjetin social Facebook; Postime përkatëse në përkrahje të subjektit politik LVV; [https://www.facebook.com/\[REDAKTUAR\]/posts/pfbid02Zwot9FIp9iYxbcU5d99moYUfssypKhovx\[eE67xd3NpUhXSQSC2VMmdTA6GWPRuYI\]](https://www.facebook.com/[REDAKTUAR]/posts/pfbid02Zwot9FIp9iYxbcU5d99moYUfssypKhovx[eE67xd3NpUhXSQSC2VMmdTA6GWPRuYI]);

Në përgjigjen në ankesat e subjektit politik Lëvizja Vetëvendosje (LVV), theksohet se, pretendimet ankimore të ankuesit dhe provat e bashkangjitura të ankesave A.nr.398/2025 dhe A.nr.399/2025 në asnjë rrethanë nuk mund të provohet fakti se z. [REDAKTUAR] është anëtarë, aktivist i Lëvizjes Vetëvendosje! Më tutje theksojnë se për më tepër nëse e shikohet ky profil në Facebook më shumë ka gjasa të jetë një profil i rrejshëm duke u nisur edhe nga emri që mban sepse emri Bedi është emër inekzistent në fjalorin e gjuhës shqipe.

Kërkojnë nga PZAP-i, që të refuzohen ankesat në fjalë.

Paneli, në kuptim të nenit 9 paragrafi 5, nën paragrafi 5.5 të Rregullores Nr.01/2024, për Procedurat e Parashtrimi dhe Vendosi të Ankesave të PZAP-it, dhe nenit 84 paragrafi 1 të Ligjit Nr.05/L-031, për Procedurën e Përgjithshme Administrative, me qëllim të ekonomizimit të procedurës, ankesat e evidentuara me numrat si ne vijim: A.nr.398/2025 dhe A.nr.399/2025 të datës 05.02.2025., janë bashkuar dhe janë trajtuar me një vendim, andaj procedimi i këtyre ankesave evidentohen nën shenjën e përbashkët A.nr.398/2025, për shkak të natyrës së njëjtë të çështjeve të parashtruara nga subjekti i njëjtë politik PDK kundër subjektit të njëjtë politik LVV, si për nga përmbajtja ashtu edhe për nga kërkesat e paraqitura të ankesave.

PZAP-i, pasi që shqyrtoj dhe vlerësoi ankesat gjeti se:

#### **Ankesat janë të bazuara**

Paneli, pas shikimit të shkresave të lëndës të ofruara si provë materiale, si dhe nga hetimet e bëra fillimisht ka vërtetuar se [REDAKTUAR] është mbështetës i subjektit politik LVV pasi që në profilin e tij në rrjetin social Facebook rezulton se ka të postuara fotografi me kandidatin

për kryemnisnistër nga subjekti politik LVV Albin Kurti, andaj Paneli ka gjetur se mbështetësi i subjektit politik LVV, në kundërshtim me dispozitat ligjore të Ligjit Nr.08/L-228 për Zgjedhjet e Përgjithshme në Kosovë, Mbështetesi i LVV-së, [REDACTED] i cili në kuadër të postimeve të shumta të tij ofenduese dhe nxitëse për urrejtje kundrejt PDK-së dhe kandidatit të tyre për deputet Abelard Tahiri, ka postuar në Ilogarinë e tij në rrjetin social Facebook tekste i cili përmban gjuhë urrejtëse dhe ofenduese në të cilën shkruan "PDKuca a kan qen terrorista a jo qysh po thoni ju", dhe "Abilard Tahiri thotë: 'Nëse kuni bëhet edhe njëher Kryeministër unë e lë mandatin' !Do të ishte fantastike sikur të thonin të gjithë deputetët e Planit! Kriminelët nga PDK-së, LDK-së, AAK-së dhe Nismës i kan vrarë ëndrrat e rinisë për të jetuar në Kosovë! Vendi i juaj është në burg!",

Paneli vlerëson se gjuha e përdorur si më lartë nga mbështetësi-simpatizuesi i LVV-së është gjuhë denigruese dhe urrejtëse në raport me subjektin politik PDK dhe se përdorimi i një gjuhe të tillë është në kundërshtim me nenin 34 pika 1.11), e LZP-së, me të cilën përcaktohet: "Gjatë periudhës së fushatës, subjekti politik, mbështetësit ose kandidatët e tij, ndalohej nga bërja e ndonjëres si në vijim: ... 1.11) përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjetër për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo materiali tjetër që ka ose mund të ketë ndikim të tillë".

Sipas Panelit përmbajtja e deklarimeve të tilla të konsiderohen gjuhë nxitëse dhe urrejtëse kundrejt subjektit politik PDK, dhe se kjo konsiderohet shkelje e rregullave zgjedhore në Kosovë, nga se deklaratimet e tilla në kohë të fushatës zgjedhore, kanë për qëllim të krijojnë polarizim të elektoratit, të krijojnë atmosferë tensioni ose të nxisë ndjenja të urrejtjes dhe të përçarjes, të acaroj rivalitetin politik. Paneli vlerëson se partitë dhe kandidatët si dhe mbështetësit dhe simpatizuesit e tyre janë të detyruar të respektojnë etikën zgjedhore dhe të shmangin veprime apo deklaratime që mund të sjellin pasiguri, destabilitet apo të përkeqësojnë atmosferën politike në përgjithësi, njëkohësisht janë të obliguar të respektojnë dinjitetin dhe integritetin e të tjerëve. Përdorimi i gjuhës së tillë mund të dëmtojë procesin demokratik dhe të rrisë tensionet në vend. Kjo është një shkelje e rregullave që kërkojnë një fushatë paqësore, të ndershme dhe të drejtpërdrejtë.

Andaj Paneli gjeti se gjuha e përdorur është në kundërshtim me Kodin e Mirësjelljes për Subjektet Politike, Mbështetësit e tyre dhe Kandidatët gjegjësisht me dispozitat e nenit 34 LZP-së, ku janë të përcaktuara veprimet e ndaluara të subjekteve politike dhe me këto veprime janë shkelur dispozitat e nenit 34 paragrafi 1 nën paragrafi 1.11 të LZP-së.

Sipas Panelit vendosja përdorimi i kësaj gjuhe nga simpatizantët e subjektit politik të LVV-së, në kuadër të fushatës zgjedhore, konsiderohet shkelje e rregullave zgjedhore në Kosovë, ngase veprimet e marra në kohë të fushatës zgjedhore kanë për qëllim të krijojnë një lidhje negative ose të nxisë ndjenja të urrejtjes dhe krijojnë atmosferë tensioni dhe përçarjeje. Veprimet i tilla interpretohen si një përpjekje për të manipuluar perceptimin e votuesve, duke përdorur gjuhë fyese, denigruese dhe përqumuese kundër subjektit politik ankues dhe udhëheqësit të saj, dhe se ky veprim shihet si një mënyrë për të përdorur kualifikime të rënda për të stigmatizuar një subjekt politik dhe për të rritur ndjenjat negative kundrejt subjekti ankues. Paneli vlerëson se partitë politike, kandidatët dhe simpatizantët e tyre janë të detyruar të respektojnë etikën zgjedhore dhe të shmangin veprime që mund të sjellin pasiguri apo të

përkeqësojnë atmosferën politike. Përdorimi i figurave të tilla të përfolura mund të dëmtojë procesin demokratik dhe të rrisë tensionet në vend. Kjo është një shkelje e rregullave që kërkojnë një fushatë paqësore, të ndershme dhe të drejtpërdrejtë.

Përdorimi i një gjuhe të tillë, sipas vlerësimit të Panelit është në kundërshtim me nenin 34 paragrafi 1 pika 1.11), e LZP-së, me të cilën përcaktohet *“Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim: ... 1) përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjetër për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo materiali tjetër që ka ose mund të ketë ndikim të tillë”*.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se veprimet e tilla përbëjnë përsëritje të shkeljeve për nga natyra, pjesëmarrjen e subjektit në fjalë në zgjedhjet e mëparshme që konsiston në faktin se subjekti politik LVV, ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore, e poashtu edhe faktin se shkelja është bërë nga ana e simpatizuesve të subjektit politik në këtë rast PDK, e jo nga ana e kandidatëve apo zyrtarëve të saj.

Duke pas parasysh se Rregullorja 01/2024. dhe dispozitat e LZP, neni 120 paragrafi 1 nën paragraf 1.3 për shkelje të tilla parashohin dënimin me gjobe deri në 50.000 euro, Paneli me rastin e shqiptimit të gjobës ka pasur parasysh edhe praktikën e mëhershme për rastet të ngjashme si dhe faktin që subjekti politik në fjalë ka bërë shkelje të natyrës së njëjtë në mënyrë të përsëritur.

Nga arsyet e theksuara me lart, e në kuptim të nenit 34 paragrafi 1 nën paragrafi 1.11), neni 118 paragraf 1 dhe neni 120 paragrafi 1 nën paragrafi 1.3 të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**  
A.nr.389/2025 më datën 07.02.2025

**Kryesues i Panelit**  
**Skender Coci**



**Këshilla Juridike:** Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.